

Մկրտիչ կթղ. հրատարակած է Առաջնորդ Սրբազան Տեղեաց խորագրով գրքոյկ մը (տպ. Պոլիս. 1858):

ՄԿՐՏԻՉ ԵՊՍ. ԱՂԱԽՆՈՒՆԻ, ՊԱՐՏԻԶԱԿՅԻ.— Մբ. հայրը Պետրոս, մայրը Թագունի, եղբայրները Թագուր և Վրբակես, քոյրը Եւպրաֆես. ընդհանուր պատերազմին եօթանասուն և հինգամեայ մայրը և եղբայրները Պարտիզակէն տեղահանուելով ընտանեօք տարագրուեցան և ճանապարհին վախճանեցան:

Մկրտիչ եպս. Մ. 1863ին Պարտիզակ. աշկ. տեղւոյն Ներսիսեան ազգ. վարժարանի, Եղիշէ Դուբեան վրդ.ի տեսչութեան օրով, յետոյ օգն. ուսուցիչ կրօնի և թուրքերէն լեզուի. սարկաւազութեան՝ ուսուցիչ Ատափազար և Նիկոմիդիա, Զո. 1890ին Նիկոմիդիոյ Ս. Աստուածածին եկեղեցիին մէջ. Առ. փոխանորդ Նիկոմիդիոյ և այցելու հովիւ Պօլուի (1890—94). իր Նիկոմիդիոյ առաջն. փոխանորդ՝ ի հիմանէ վերաշինել կուտայ Ձէնկիլէրի Ս. Մինաս եկեղեցին ժողովրդային նպաստներով. Առ. Քէօթահիոյ և Աֆիոն-Կարահիսարի (1895—1905), իր այս պաշտօնավարութեան մէջ ի հիմանէ շինել կուտայ Էսկիշէհիլի Ս. Երրորդութիւն եկեղեցին և օծումը կը կատարէ. Առ. Եգիպտոսի (1905—1912). 1910ին կը ձեռնադրուի եպս. կը հրաժարի Եգիպտոսի առաջնորդութենէն և կը վերադառնայ Պոլիս, ուր կ'անդամակցի Կեդր. Վարչութեան Կրօն. Ժողովին. (1912—1914). քննիչ Պանորմայի ընտրական գործոց. կը վարէ Սկիւտարի Ս. Կարապետ եկեղեցիին քարոզչութիւնը (1914—1916): Ընդհ. Պատերազմի ժամանակ, 1916 ին վեց եկեղեցականներու հետ Կ. Պոլսէն ցամաքի ճամբով կը տարագրուի Ս. Յակոբի վանքը եւ հոն կը մնայ առանձնացած (1916—1921). Միաբանական ժողովոյ որոշմամբ կ'ընդունուի միաբան Ս. Յակոբի վանքին և կ'ընտրուի Նախագահ Վարչ. Ժողովի՝ Բրիտանական հոգատար պետութեան կառավարիչ Աթորսի պաշտօնագրովը 1921 ին, կը նախագահէ Միաբան. Ժողովի այն նիստին որ ընտրեց Երուսաղէմի պատրիարքը՝ Տ. Եղիշէ Ս. Արքեպս. Դուբեանը, որուն դահակալութեան առթիւ, Ս. Յակոբի տաճարին մէջ յանձնեց պատրիարքական Աստն և յատենի եկեղեցւոյ ուղերձով մը շնորհաւորեց նորընտիր պատրիարքը Միաբ. Ժողովի անունով. Վարչ. Ժողովի պաշտօնը վերջ գըտնելով՝ կ'ընտրուի Տնօրէն Ժողովը, վանքին կանոնագրին հա-